



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Indictio, Acta & Decreta Synodi Diœcesanæ  
Paderbornensis**

**Diözese <Paderborn>**

**Nevhvsii, [1688]**

**Tit. IX. De Ordine.**

**urn:nbn:de:hbz:466:1-36013**

tatione ad mortem disponant, ac, quatenus per occupationes licet, morituris Consilio, solatio, & auxilio adesse studeant, aut saltē carent, ut aliquis alias Sacerdos aut Religiosus advocetur, qui luctuantem cum morte adjuvet, habeantque Pastores in hanc rem assiduos sibi libellos quosdam pios, qui de ratione benē juvandi morientes à pijs & doctis viris sunt compositi, sciantque Pastores hujusmodi Charitatis officijs præter meritum apud Deum plurimū sibi subditorum animos conciliari, sicut scriptum est, non te pigeat visitare infirmum, ex his enim in dilectione firmaberis.

2. Parochi ægrotos scèpè invitant, hortenturque ne ad extreumum Sacramentum hujus susceptionem differant, sed potius sensibus rationisque usu adhuc integris illud sibi administrari petant, ita ut uberiorem ejus fructum percipiant.

3. Quanquam deceat, idque curandum sit, ut infirmo, dum rationis capax est, extrema Unctio detur, attamen negari non debet morituris, si vel paulò ante in amentiam aut phrenesin inciderint, vel etiam diuturno tempore usu rationis privati extiterint, modò ante statum amittere hoc Sacramentum petiverint, aut interpretative desideraverint, Christianè nimur vivendo & salutis suæ memores, quod etiam præsumendum est, nisi contrarium appareat, si verò tanta sit phrenesis, ut infirmus aliquid contrà Sacramenti Reverentiam facere posset, eo casu non ungaui nisi sublato tali periculo.

4. Falluntur qui existimant, suscepto hoc Sacramento vel testamentum condi non posse, vel spem convalescendi ob id imminui, ideoque Pastores contrarium subinde doceant. Eximenda quoque est illa persuasio erronea & perniciosa ex mentibus hominum, quā sibi imaginantur se se, si inungantur, citius morituros, ut propterea ad extreumum vitæhalitum hoc Sacramentum differant.

5. Dum sacrum Oleum infirmorum ad ægrotos defertur, Custos superpelliceo indutus lumen præferat, non tamen nolam sonantem.

6. Sacerdos administraturus hoc Sacramentum, quocunq; anni etiam Adventūs, Quadragesimæ, & majoris Hebdomadæ die, sit indutus superpelliceo cum stola violacea, sacrum Oleum infirmorum in honesto & decenter ornato vasculo cum debita Reverentia ad ægrotum deferat comitantibus infirmi amicis & vicinis, inter eundum & redeundum à fabulis omnes abstineant, fundentis pro salute infirmi precibus intenti.

7. Si ægrotus, dum sacro Oleo ungitur, extreumum Spiritum emiserit, Parochus ungere defistat, si verò aliqua morbi vis de repente illum oppressit, ut dubitetur, vivusne sit an mortuus, Parochus eâ conditione inungendo utatur. Si es vivus, per istam sanctam Unctionem &c.

## T I T U L U S I X.

### *De Ordine.*

#### I.

Ordinum Collatio seu manuum impositio, cùm ostium sit ad Ecclesiarum gubernacula & ministeria exercenda, omni certè diligentia illud observandum est, quod haec tenus diligenter curatum non fuisse, multis in partibus orbis Christiani lugemus, hinc enim tanta mala uno quasi impetu in Ecclesiam inundarunt, eamque miserè affixerunt, ut attentiorē posthac curam Episcopalem meritò requirant, ne quod D. Apostolus Paulus discipulo suo Timotheo præscribit, id cum magno Ecclesiaz exitio contemnatur: Manus citò nemini imposueris neq; communicaveris peccatis alienis; qui etiam hujusmodi custodiæ formulam quandam charissimis suis discipulis ex professo præscribit, quam nos sequentes circè ordinandos, & eorum ingressum subjunctas conditiones observandas ex Concilijs & Canonibus depromptas præscribimus.

2. De qualitatibus eorum qui ad sanctos Ordines promovendi sunt, accurate statuit Concilium Tridentinum, de quibus hæc Synodus quædam diligentioris observationis causâ repetenda duxit & statuenda.

3. Nullus

3. Nullus ad minores ordines deinceps admittatur sine testimonio probitatis & literaturæ à proprio Parocho & Magistro scholæ, in qua studuit; Majoribus insigniendi, si sint Religiosi, à Superiore suo ætatis, natalium ac vitæ morumque probitatis debita testimonia in scriptis adferant; sœculares, si in Ecclesia Collegiata eive subiectâ resideant, à Decano Capituli, si in studio Theologico degant, ab illius Præside, alioqui à proprio Pastore similia testimonia exhibeant, & non habens hujusmodi testimonia ne ad Examen quidem admittatur, nisi Episcopo aliter videatur.

4. Promovendi itaque ad sacros Ordines tam minores quam majores, uti & primam tonitram, horâ primâ pomeridianâ feriâ quartâ septimanæ, quam ordinandi sunt, in Cancellaria nostra Paderbornæ, nisi forsan ex causis incidentibus alias designetur locus, convenienter, producetisque necessarijs testimonijs legitimæ nativitatis, baptismi, Confirmationis, ante actæ vitæ, studiorum, provisionis, ætatis, susceptorum Ordinum, corundemque facti Exercitij nomina sua inscribi current, feriâ quintâ horâ primâ post meridiem de sufficiente doctrinâ examinandi à deputatis nostris Examinatoribus.

5. Doceant Religiosi etiam Ordinum mendicantium de Ordinibus susceptis, testimonio ipsius Episcopi sigillo ejusdem communio, antequam altiorem Ordinem suscipiant.

6. Ne quis forte à susceptione Ordinis Sacerdotij à nobis rejectus ad Confusionem apud suos evitandam ministerium Sacerdotale, quod non accepit, sacrilegâ temeritate usurpare attenter, mandamus, ut nemo primitias celebrare permittatur, antequam superiori Ecclesiastico sœculari, vel regulari ejus loci, ubi primitias celebrare intendit, litteras suscepti Sacerdotij exhibuerit.

7. Ordinati quoque Sacerdotes intrâ quadraginta dies juxta antiquam consuetudinem primitias celebrent.

8. Quæ de Examine ordinandorum ac præcipue ad curam animarum ex Concilio Tridentino salubriter sunt statuta, debite observari volumus, ac propterea diligenter nostro Vicario & Examinatoribus commendamus, ne quenquam ad curam animarum exercendam admittant, nisi quem ætate, moribus, & doctrinâ, prudentiâ, & alijs rebus ad vacantem Ecclesiam gubernandam opportunis idoneum judicaverint. Similiter strictè prohibemus ne quispiam in Pastorales functiones fœc ingerat, nisi prævio Examine & approbatione licentiam à nobis aut nostro Vicario in scriptis obtinuerit. Nolumus etiam posthac cujuс cunque statū ad Ordines & beneficia maximè curata sine hujusmodi Examine admitti, provisiones autem, Collationes, Institutiones, Investituras aliter factas nullius roboris declarantes.

## T I T U L U S X.

### *De Matrimonio et Sponsalibus.*

#### I.

**Q**uotidiana docet experientia, matrimonia temerè & præproperè contracta infinitas parere difficultates & infelices scèpè exitus sortiri, proinde recte ordinatum est, ut sponsalia quæ futuri matrimonij promissionem & reciprocam utriusque obligationem continent, præmittantur, cum verò sponsalia de futuro à Sacro Concilio Tridentino sint intacta, atque ita reflecta in terminis & dispositione juris communis, præterquam quod per copulam carnalem non transcant in matrimonium, certum est ea esse valida, & servati debere, etiamsi coram Parocho & testibus contracta non fuerint, & cum multi perperam aliter sentiant, error ille à Concionatoribus & Confessarijs data opportunitate ijs eximatur.

#### O

#### 2. Sponsalia